



Publicaziuns dalla vischnaunca, jamna 43

Damondas da baghegiar

2022-1063.000

Datum dalla publicaziun: 28 d'october 2022

Il patrun: Phan & Co AG, Frohburgstrasse 67, 8006 Zürich
Il representant: Loc Phan, Frohburgstrasse 67, 8006 Zürich
Intenziun: Midada d'intent, scumiada dalla habitaziun primara nr. 5 cun la habitaziun secundara nr. 1 Edifeci nr. 221C Parcella: 600
Adressa: Via Run 1, 7180 Disentis/Mustér
Zona: Zona da habitar 2
Zona da prighel: negina

2022-2090.000

Datum dalla publicaziun: 28 d'october 2022

Il patrun: STWEG Parz. 996, Grava da Schmuér Sut 2, 7156 Rueun
Il representant: Huonder GmbH, Via Fontauna 4, 7180 Disentis/Mustér
Intenziun: Remplazzament dalla seiv, construcziun da treis parcadis e d'in mir da crappa Edifeci nr. 30D Parcella: 996
Adressa: Via Chischliun 3, 7180 Disentis/Mustér
Zona: Zona da habitar 2 (H2)
Zona da prighel: negina

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 28 d'october 2022

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau ils suandonts projects:

Nr. 2022-2091.000

Giusep ed Annalise Caduff-Gadola, Via Alpsu 9, 7180 Disentis/Mustér; remplazzament da treis finiastras tier igl edifices nr. 64, parcella 989, Via Alpsu 9, 7180 Disentis/Mustér.

Nr. 2022-2092.000

André Häfliger, Giesserstrasse 8, 5504 Othmarsingen; sanaziun ed isolaziun dil tetg e niev cundrez fotovoltaic dalla vart vest dil tetg, parcella 1313, Via Luzzas 12, 7180 Disentis/Mustér.

Disentis/Mustér, ils 28 d'october 2022

Uffeci da baghegiar Disentis/Mustér



Cussegl da vischnaunca

Il cussegl da vischnaunca seraduna **venderdis, ils 28 d'october 2022**, allas 20.15 en halla Cons.

Tractandas:

1. Protocol 16-2021/2024
2. Passapei Center Fontauna–Via Prau: Credit per la completaziun dil passapei (messadi 26-2021/2024)
3. Lescha pil manteniment dallas ovras da meglieraziun e d'ual: Emprema lecziun (messadi 27-2021/2024)
4. Ura da damondas (conform ad art. 44 dil regulativ da fatschentas)

Il president dil cussegl da vischnaunca

Invitaziun alla sera d'orientaziun publica

Cu: **venderdis, ils 4 da november 2022**, allas 20.15

Nua: Sala Peter Kaiser, Claustra Mustér

Program

- 20.15–21.00 Presentaziun ed informaziun davart il project da votaziun per l'avertura Val Segnas ed Uaul Run (votaziun communal dil 27 da november 2022)
- 21.00–21.45 Orientaziun davart ils resultats dalla grupp da lavur davart «Augmentar l'attractivitat dil vitg da Mustér»

Suenter l'informaziun vegn offeriu in aperitiv.

La suprastonza communal selegra sin stedia participaziun.

Suprastonza communal

Administraziun communal

Numnasontga

Mardis, igl 1. da november 2022, resta l'administraziun communal **serrada igl entir di**.

Bien engraziament per Vossa capientscha.

Administraziun communal Disentis/Mustér



Revisiun parziala dalla planisaziun locala «plan general d'avertura punt pendenta, La Pendentia»

Communicaziun davart il conclus d'approbaziun

Cun conclus nr. 773 ha la Regenza dil cantun Grischun en applicaziun digl art. 49 dalla lescha da planisaziun cantunala (LPTGR) approbau ils 11 d'october 2022 il conclus dil cussegl da vischnaunca dils 25 da mars 2022 davart la revisiun parziala dalla planisaziun locala. La revisiun cumpeggia:

Mieds da planisaziun:

– L'approbaziun dil plan general d'avertura 1:2000 Punt pendenta Rein dils 25 da mars 2022 succeda el senn dallas consideraziuns cun suandont avis:

– ei vegn rendiu attents, ch'ei sto – sche necessari - vegnir examinau ed ordinau ulteriuras mesiras per proteger il quartier d'unviern dils animals selvadis encunter disturbis surproporzionals duront ils meins d'unviern.

Ils mieds da planisaziun approvai ed il conclus dalla Regenza ein exponi publicamein per envesta duront il temps d'avertura dil spurtegl en casa communal (stanza nr. 10).

Questa communicaziun succeda senza mieds legals.

Disentis/Mustér, ils 25 d'october 2022

Suprastonza communal

Controlla da habitonts

Naschientscha

Andrin Luis Manetsch, naschius ils 15 d'october 2022, fegl da Manuela e Christian Manetsch.

Invitaziun Seniora-Ca

Gievgia, ils 3 da november 2022, allas 14.00 en claustra a Mustér. Il cussegl pastoral dalla Pleiv s. Gions organischa ed envida all'uncziun da malsauns ed attempai en claustra. Avat Vigeli Monn e sur Mathew Kurian celebreschan ina s. messa cun l'uncziun. Silsunter ein tuts envidai ad ina sempla marena ella «Stiva s. Placi». Annunzia per taxi tier Letizia Schmed, telefon 079 486 41 92.

Tuttas e tuts ein beinvegni, prende la caschun!

En num dalla Pleiv s. Gions Mustér e team Seniora-Ca

Meisa da miezdi organisada da Seniora-Ca e Puntreis

Entschatta: allas 12.15 ella Puntreis. Gentar cun treis tratgas inclusiv aua dalla spina ed in caffè. Annunzia entochen allas 9.00 dil di alla Puntreis, 081 929 56 56.

La meisa da miezdi ei aviarta per mintgin/a.

Post d'informaziun Seniora-CA



Uniun da dunnas Disentis/Mustér

Tri-tra-trallala, il casparet vegn puspei

Bugen envidein nus tut ils affons en accompignament dad ina persuna carschida ad in teater da casparet. Il toc senumna «La stria striunescha las stagiuns» e ha liug **mesjamna, ils 9 da november 2022**, allas 14.30 el Center d'agricultura Surselva a Salaplauna. Silsunter dat ei ina pintga sorpresa pils affons e stiva da caffè.

Nus selegrein sin Vossa viseta!

Cordialmein envida
l'Uniun da dunnas Disentis/Mustér, ressort affons
